

ጾዎሎሴ ማደም ዳኪንቴ ጳውሎሴ ኪኢቶ ፒልጲሲዮሴ ዓጮ ዓሶም ዓይያ ካሮ

ጳውሎሴ ፒልጲሲዮሴ ዓሶም ፃኣፔ ኪኢታ ፃኣፒንቴሢ ርሜ ዓጮ ደማ ማዔ፥ ማቄደኒያ ዓጮይዳ፥ ፒልጲሲዮሴ ካታማ ዓኣ ሺኢጲያ ማኣሮ ዓሶምኬ፤ ዬና ሺኢጲያ ማኣራላ ጳውሎሴ ዓውሮፓ ዓጮይዳ ቤርታ ዔቄሴዜሎኬ፤ ኪኢታ ፃኣፒንቴሢ፡- ኪሪሰቶሴ ጉሙርቃ ማሌ ማዳ ዓሳ ጳውሎሴ ዒዲ፥ ዒዛ ማካ ዎደና ሃሃ ፒልጲሲዮሴ ሺኢጲያ ማኣሮይዳ ዔቄ ሉኡዙሞና ዔርዘ ዓሶ ዛሎና ዒና ዒዛኮ ሆዩ፥ ቱኡዞ ማኣራ ዒ ዓኣዎኬ፤ ዬይ ያዲ ማዔቴያ ጳውሎሴ ዬሱሰ ኪሪሰቶሴና ዓኣ ጉሙርቄያና ሚርጌና ካፄያ ማዔሢሮ ሃኖ ኪኢቶይዳ ሚርጌና ጴዳ ባካ ዎዛና ዒናፓ ጾኦሲ ዓያናና ደዲሢ ዛላኬ።

ሃኖ ኪኢቶ ጳውሎሴ ፃኣፒሴ ባካ ዒዛኮ ማታሢ ዎደና ዒዛ ማኣዲኒ ማኣዳ ዳኪንቴያታሢሮ ፒልጲሲዮሴይዳ ዓኣ ኪሪሰቶሴ ጉሙርቃ ዓሶ ጋላታኒኬ፤ ዒዛንታ ዔያቶንታ ደማ ደማ ማታ ሄሌያ ማዔቴያ ዒጊጩዎዎ ጉቤ ዒናፓ ጉሙርቄሢ ዔያቶኮ ዓኣያ ማዓንዳጉዲ ቃሲ ዔያቶ ደዲሻኔ። ጾቶሙሞና ሄርሺንቴና ሃሺ ዬሱሰ ኪሪሰቶሴኮ ሺሌዑሞና ሚርጌና ዎሊ ሚጩንታያ ማዓንዳጉዲ ኮሺ ዔያቶም ላቲ ኬኤዛኔ። ዔያታ ዬሱሰ ኪሪሰቶሴና ዎላ ማዒያና ዳንቄናንጋ ጾኦሲኮ ኮሹሞ ዒንጊያይዳፓ ማዔያ፤ ሃሃ ጉሙርቄሢና ዔያታ ዳንቄያ ማዓንዳኣፓዓቴም ዓይሁዳ ዓሶኮ ዎጎ ማዲ ኩንሥሢና ጴዳያቱዎሴ ጌይ ዔያቶም ጳቂሢ ኬኤዛኔ። ዬሱሰ ኪሪሰቶሴና ፔቴ ማዒናንጋዞንሢም ቢያ ጾኦሲ ዒንጋንዳ ኮሹሞንታ ዎዞንታ ዛሎዎ ዔያቶም ዒ ፃኣፔኔ።

ሃና ኪኢታ ደማዲ ዔርታሢ፡- ዎዞንታ ጉሙርቄሢንታ ፔቱሞንታ ሃሃ ኪሪሰቶሴ ጉሙርቄ ናንጎ ናንጊና ደዲሢንታ ዛላ ፔጋሲ ዔርዚያናኬ፤ ቃሳዎ ጳውሎሴ ፒልጲሲዮሴ ሺኢጲያ ማኣሮ ዓሶ ሚርጌና ናሽካያ ማዒያ ዛሎ ኬኤዛኔ።

ማፃኣፔላ ደማ ደማ ዓርቄ ባኮ

- ዓይያ ካሮ (1:1-11)
- ጳውሎሴ ዓኣ ጎይያ (1:12-26)
- ኪሪሰቶሴና ጴዳ ናንጊ (1:27—2:18)

ጳውሎስና ዋላ ማዳ ዓሶ (2:19-30)
 ሉኡቂ ዔርዛ ዓሶም ላቲ ኬኤዚንቴ ባኣዚ (3:1—4:9)
 ጳውሎስኮ ፕላይስቶር ዓሶ ጋላቲያንታ ጋፒንያ ሳራሢያ (4:10-23)

ጳውሎስ ዳኬ ሳራሢያ

1 ሃይ ከኢታ ዩሱስ ከሪስቶስም ማዳያ ማዔ፣ ጳውሎስና ግሞቴዋሴናይዳፓ ዳኪንቴያኬ፤

ዳኪንቴሢያ ፕላይስቶር ካታማ ናንጋ ዩሱስ ከሪስቶስ ጉሙርቁያና ያኦሲም ዲማዴ ዓሶና ሺኢጲያ ማኣሮ ዋይሣ ዓሶና ዲያቆኔ ማዒ ዔያቶ ማኣዲ ማዳ ዓሶናምኬ፤

2 ኦኡኮ ዓዳሢ፣ ያኣዛሢዳፓ፤ ዩያጉዲ ሃሣ፣ ጎዳ ዩሱስ ከሪስቶስይዳፓ ያኦሲኮ ኮሹሞ ዒንጊያና ዋዛና ዒንሢም ማያንጎ።

ጳውሎስኮ ጋላቶ ሺኢጲያ

3 ዒንሢ ታ ጳቂሣ ዋዶና ቢያ ታ ያኣዛሢ ታኣኒ ጋላታ። 4 ዒንሢ ቢያሢም ታ ሺኢቃኣና ዴኤፒ ዋዛና ታ ሺኢቃ። 5 ታኣኒ ፕላይስቶር ካታም ሄሌ ኬላፓ ዓርቃያ ሃኖ ሄላንዳኣና ኮዦ ሃይሶ ኬኤዚያ ማዶና ታኣና ዋላ ዒንሢ ማዔሢሮ ያኦሲ ታ ጋላታ። 6 ዩሱስ ከሪስቶስ ማዒ ሙካ ኬሎና ኩንሣኒ ዩያ ኮዦ ማዳ ዒንሢና ማዳኒ ዓርቁ ያኣዛሢ ሃሢያ ማዳሺ ዴዴዓንዳሢ ታ ጉሙርቁ። 7 ታ ዒንሢ ዛሎ ዩያይዲ ማላንዳያ ኮይሳኔ፤ ዓይጎሮ ጌዔቴ ጎኔ ዒናፓ ታ ዒንሢ ናሽካያታሢሮኬ፤ ሃሣ ታ ዒንሢሮ ዩያይዲ ማላሢ ኮዦ ሃይሶ ዛሎ ያኦጪንታ ባኮሮ ማሂ ታ ኬኤዛ ዋዶና፤ ሃሣ ታ ሃይካ ቱኡዞ ማኣራ ኬኤዛኣና ዒንሢ ታኣና ዋላ ያኦሲኮ ኮሹሞ ዒንጊያ ዔካያ ማዔሢሮኬ። 8 ዩሱስ ከሪስቶስ ዒንሢ ናሽካሢጉዲ ታኣኒያ ዒንሢ ናሽካያ ማዒ ዒንሢ ጳቂሣሢኮ ያኦሲ ማርካኬ።

9 ናሹማ ዒንሢኮ ዔራቶና ጳቂሥሢና ዓኣያ ማዒ፣ ዳልጊ ዳልጊ ዓኣዳንዳጉዲ ታ ያኦሲ ሺኢቃ። 10 ዩይ ዑሣ ዓኣዴ ኮዦ ባኮ ዲማሲ ዒንሢ ዔራንዳጉዲና ከሪስቶስ ማዒ ሙካ ኬሎና ጌኤሺ፤ ሃሣ ቦሂሳ ባኣዚያ ባኣያ ማዒ ዒንሢ ጳዳንዳጉዲኬ። 11 ያዒ ማዒያና ዩሱስ ከሪስቶስ ዒንሢም ዒንጋ ጂሎሞ ዓኣፖና ኩሚ ያኦሲ ቦንቻያና ጋላታያ ዒንሢ ማዓንዳ።

ጳውሎስኮ ቱኪንቴፃ ኮዦ ሃይሶ ኬኤዚያ ላኣጊባኣሢ

1:1 1:1 ዳኪ. ማዶ 16:12።

12 ታ ዒሾንሦ! ታ ሚሾንሦ! ታጊዳ ሄሌ ባካ ቢያ ኮዡ ሃይሶ ማዶ ባሽና ዳልጋንዳጉዲ ማሄሢ ዒንሢ ዒራንዳጉዲ ታ ኮዓኔ።

13 ታኣኒ ቱኡቴሢ ኪሪሰቶሴኮ ኮዡ ሃይሶ ኬኤዚያ ዛሎናታሢ ሮሜ ዓጮ ካኣቲ ማኣሮ ካፓ ዓሶንታ ማሌ ዓሳኣ ቢያ ታና ዒሬኔ።

14 ታ ቱኡቴቴያ ኪሪሰቶሴ ጉሙርቃ፥ ታ ዒሾንሢና ታ ሚሾንሢናፓ ሚርጌዞንሢ ምኡሲ ቃኣሎ ዒጊቹሞ ባኣያ ኬኤዚኒ ዳንዳዔኔ።

15 ጋዓንቲ ፔቲ ፔቲዞንሢ ኮዡ ሃይሶ ኬኤዚሢ ቁኤሙሞና ዓዲሢ ዓያናናኬ፤ ዛላ ኬኤዚሢ ፒዜ ዒናፓኬ። 16 ዩንሢ ኮዡ ሃይሶ

ፒዜ ዒናፓ ኬኤዚዞንሢ ናሹሞና ኬኤዚኔ፤ ዔያታ ዩያ ማዳሢ ታኣኒ ኪሪሰቶሴኮ ኮዡ ሃይሶ ዛሎ ሞኦታንዳጉዲ ምኡሲ ታና ደኦሪሢ

ዒራሢ። 17 ሃንጎቃታ ኮዡ ሃይሶ ዋቢሲ ኬኤዚሢ ፔና ደግ ደጊዳኒ ዓኣ ማሊያይዳፓ ዔቁያና ቱኡዞኮ ጊዳ ቃሲ ታና ማቶ ሄሊሳኒ ማሊኬ።

18 ዩይ ያዲ ማዔቴያ ዩይ ቢያ ታና ዎዎዛሳኔ፤ ሴካ ቤርታ ዓኣ ዎዛ ታኣኮ ሃያኬ ጌይንቱዎያኬ፤ ዎይቲ ጌዔቴ ኮሸና ማም ፑርታ

ማሊሢና ኪሪሰቶሴኮ ኮዡ ሃይሳ ኬኤዚንታሢ። 19 ማሌ ሃሣ ታና ዎዛሳ ባካ ዒንሢ ሸኢጲያና፤ ሃሣ ዩሱሰ ኪሪሰቶሴኮ ዓያና ጌኤዡ ታና ማኣደሞ ታኣኒ ቱኡዛፓ ቡለንታንዳሢ ታ ዒራሢ።

20 ዩያሮ ዓይጎ ባኣዚናኣ ታ ባሽንቲንዳዎኣሢ ጉቤ ዒናፓ ሃጊ ማዓንዳ ዎዛ ጌሢ ታ ጉሙርቃኔ፤ ዩያጉዲ ሃሣ ቤርታኣሰካፓ ባሽና ሃሢ ታ ናንጌቴያ ሃይቁቴያ ታኣና ኪሪሰቶሴ ቦንቹንታንዳጉዲ ማሃኒ

ጫርሹሞ ታኣኮ ዓኣኔ። 21 ዩያሮ ታኣኮ ናንጎ ጌይ፡- ኪሪሰቶሴና ናንጊሢኬ፤ ታ ሃይቁቴያ ዑሣ ዓኣዴ ኮሺ ታኣም ማዓኔ። 22 ታኣኮ ኪሪሰቶሴና ማዒ ናንጊፃ ዓኣፒ ማዶ ማዲሻያ ማዔቴ፥ ሃሢ ናንጊና ሃይቤናይዳፓ ዎኖ ታ ደኦሪንዳቴያ ታኣም ዒርቱዎሴ። 23 ዩንሢ

ላምፃ ማሊያንሢና ታ ማታዳኔ፤ ፔቲ ዛሎና ሃካ ናንጊያይዳፓ ሃይቤና ዲማዲ፥ ኪሪሰቶሴና ዎላ ታ ናንጋኒ ኮዓኔ፤ ዓይጎሮ ጌዔቴ ኪሪሰቶሴና ማዒፃ ቢያፓ ባሽ ታኣም ማዒሢ። 24 ማሌ ዛሎና ዒንሢ ማኣዳኒ ታኣኮ ሃካ ሳዓ ናንጊፃ ሚርጌ ኮይሳያ ማዒሢ ታ ዛጋኔ። 25 ታኣኮ ዩኖ ዛሎ ማሊፃ ባሽያ ማዒሢሮ ሃይቤዳፓ ታ ዓቲ ዒንሢና ዎላ ናንጋንዳሢ ታ ጉሙርቃኔ፤ ያዲ ማዔቴ፡- ኪሪሰቶሴ ጉሙርቁ ዲጨሢና ዎዛና ዒንሢ ዴንቃንዳኔ። 26 ላሚ ዒንሢ ኮይላ ታ ሙካኣና ታ ዛሎና ኪሪሰቶሴና ዒንሢኮ ዓኣ ዎዛና ዒንሢ ሚርጌና ዎዛዳንዳኔ።

27 ዓካሪ ቢያፓ ባሽ ማዒ ባካ ዓይጎዳይ ጌዔቴ፡- ናንጋ ዒንሢኮ ኪሪሰቶሴ ኮዡ ሃይሶ ጋላቲሳያ ማዓኒ ኮይሳሢኬ፤ ዩይ ያዲ

1:13 1:13 ዳኪ. ማዶ 28:30።

ማዕቴ ታ ዒንሢ ሙኪ ዛጌቴያ ሃኬ ማዕቴያ ፔቴ ማለሢና ደዲ ዒንሢ ዔቃንዳሢነታ ኮዡ ሃይሶ ማደ ደዲ ዒንሢ ማዳንዳሢነታ ጉሙርቃኔ። 28 ዓይጎ ባአዚናአ ማጋም ዒንሢ ማደ ማካ ዓሶ ዒጊጨፖቴ፤ ዩይ ዒንሢኮ ጫርሹማ ዔያቶም ባይሲንታ ማላታ ማዓዛ ዒንሢም ጋዓንቴ ዳቁንታም ጾሱ ዒንጌ ማላታ ማዓንዳኔ። 29 ኪሪሰቶሴ ዛሎ ዒንሢ ሜቶ ዔካንዳጉዴያ ማዓንዳፓዓቴም ዒዛ ጉሙርቃንዳጉዲ ሌሊ ሃይ ጾሱኮ ኮሹም ዒንጊያ ማዳ ዒንሢም ዒንጊንጉባአሴ። 30 ዩይሮ ሃሢ ዒንሢ ታኣና ዋላ ሜታዳያ ማዕቴ፤ ዩይ ሜታሢ ሃያኮ ቤርታ ታና ሄሌሢና ሃሢያ ታኣኒ ሜታሢዳ ዓአሢ ዒንሢ ዋይዛሢኔ።

2

ኪሪሰቶሴ ዳዌ ሼሌዑዋ

1 ኪሪሰቶሴር ዒንሢ ማዕሢር ዒዛና ዒንሢ ዋልቄ ዴንቄ፤ ሃሃ ዒዛ ናሹምና ዒንሢ ደዴኔ፤ ዓያኖ ጌኤዡ ዛሎናአ ፔቴም ዒንሢ ዴንቄ፤ ዋላ ዒንሢ ኮሹምና ሚጨንጉሢና ናንጌኔ፤ 2 ዩይሮ ፔቴ ማለሢና ናሹም ዓያናና ዋላ ጊአጊ ናንጊሢና ታኣኮ ዋዛ ኩሙሢ ዋዛ ማሁዋቴ። 3 ሚርጌና ሼሌዔ ማዒ፣ ሜሌ ዓሶ ዒንሢዳፓ ባሽ ማሢ ዛጉዋቴ፤ ፔና ናሽኪሢና ሃሃ ዩያጉዲ፡- «ታ ጊዳፓ ሜሌ ያናዳይ?» ጋዓ ሄርሽንጉና ዓይጎ ባአዚያ ማዲፖቴ። 4 ሃሃ ዩያጉዲ ፔቴ ፔቴሢ ፔኤም ኮይጎ ባኮ ሌሊቴዋንጉ ሜሌ ዓሶማአ ማዓንዳ ባአዚ ማሎንጎ። 5 ዩይይዲ ዩሱሰ ኪሪሰቶሴ ዒንሢ ዳዌ ሼሌዑዋ ማዳ ዒንሢ ናንጎይዳ ጴዳንዳያ ኮይጎኔ።

6 ዒ ፔኤር ጾሱታያ
 ጾሱና ዋላ ዒዛ ሄኮ ማሃ
 ዒዛኮ ጾሱም ዓርቂ ዴዓኒ ኮይባአሴ።

7 ጋዓንጉ ዒዚ ፔና ጉሪ ማሄኔ፤
 ዓይሌ ማሎዋ ዔኬኔ፤
 ሃሃ ዓሲ ማዒያ ጴዴኔ፤

8 ዓሲ ማዕያዋ ሼሌዑዋና ፔ ቶኣኮ ሂርኪዴኔ፤
 ሃይቢ ሄላንዳኣና
 ዩይያ ፑርቶ ዓሶ ሱያ ሚያይዳ ሱዲንጉ ሃይቃኒ
 ዓይሢንታያ ማዕቴ።

9 ዩይ ዛሎር ጾሱ ዒዛ ቢያፓ ዑፃ ዳጊዴኔ፤
 ሱንሢ ቢያይዳፓ ባሽ ሱንሢ

ዲዛም ጌህኔ።

10 ዬያሮ ዬሱሴ ሱንፆ ቦንቸ
ጨሪንጮና ሳዖናይዳ ሃሣ ሳዖኮዋ ደማ ዓኣሢ ቢያ
ዲዛም ጉምዓታንዳ።

11 ሃሣ ዔያታ ፔ ዳንጎና
«ዬሱስ ኪሪስቶሴ ጎኔ ጎዳኬ» ጌዲ ማርካዲሢና
ፆኦሲ፣ ዓዳሢ ቦንቸንዳ።

ዓጮ ዓሶም ፖዒ ማዒሢ

12 ታ ዒጊሮንሢዮቲ! ታኣኒ ዒንሢና ዋላ ማዔ ዋደ ቢያና ዒንሢ
ዓይሢንታያኬ፤ ዓካሪ ባሽና ታ ዒንሢዳፓ ሃኬ ዋደናኣ ዓይሢንታያ
ማዓንዳጉዲ ታ ዒንሢ ዘራ። ዬያሮ ዒንሢ ፔቲ ፔቲሢኮ ዓኣ
ዳቁንታ ጋፒንፆ ሄላንዳኣና ደዲ ደዓንዳጉዲ ፆኦሲ ዒጊጨሢና
ቦንቸሢና ደዲ ማዲቀቲ። 13 ዓይጎር ጌዔቲ ዒዛ ማሊፆጉዴያ
ዓይሢንቲሢና ናሽኪ ዔኤዒሢና ዒንሢም ዒንጊ ዒንጊ ማዳሢ
ፆኦሲታሢሮኬ።

14 ዓይጎ ማደዋ ዒንሢ ማዳ ዋደና ጉንዲሚ ጉንዲሚ ጎሪንቲያ
ዋላ ጎሪንቲ ማርሚፖቲ። 15 ያዲዴቲ ሃያ ዋርቆ ጎይፆ ዔርቱዋ
ሾይንቶ ዓሶ ባኣካ ቦሃጎ ባኣዚ ባኣያ፣ ጌኤሺ ፆኦሲ ናይ ማዒ፣
ዡኦጌጉዲ ፖዒ ዒንሢ ጴዳንዳ። 16 ዬይ ያዲ ማዓንዳሢ ናንጊ
ዒንጋያ ማዔ፣ ኮዡ ሃይሶ ሃሹዋፆ ዒንሢ ኬኤዘኒ ዳንዳዕቲኬ፤
ዬያ ጎይፆና ታኣኮ ጳዡ ማዔቲያ ማዳ ጉሪ ማዒ ዓቲንዳዋኣሢሮ
ኪሪስቶሴ ማዒ ሙካኣና ታና ሄርሺንቲጎንዳ ባኣዚ ዓኣኔ ጌይሢኬ።

17 ፆኦሲም ጉሙርቁሢና ዒንሢ ዒንጎ ባኮ ሺኣሻኣና ታ
ሺምፓሢያ ቃሲ ዋሆ ዑዡጉዲ ማዒ ዒንጊንታያታቲ ታና ዋዛጎያ
ማዓንዳ፤ ዒንሢያ ታኣና ዋላ ዋዛዳንዳ። 18 ዬያይዲ ዒንሢያ
ታኣና ዋላ ዋዛዲቀቲ።

ፂሞቲዎሴና ዔፓራዲቶሴናኮ ማዳ

19 ታኣኒ ዒንሢ ዛሎ ዋይዚ ዋዛዲኒ ፂሞቲዎሴ ዑኩና ዒንሢ
ባንሢ ዳካንዳጉዲ ጎዳ ታና ማኣዳንዳሢ ታ ጉሙርቃ። 20 ዒንሢ
ዛሎ ሜታዲ ማላ ዓሲ ፂሞቲዎሴይዳፓዓቲም ሜሌ ዓሲ ታኣኮ
ባኣሴ። 21 ሜሌ ዓጎ ጋዓንቲ ቢያ ፔኤም ማዓ ባኣዚ ሌሊ ዳኪ
ሃንታኣፓዓቲም ዬሱስ ኪሪስቶሴ ማዳ ዛሎ ዔኤቢ ዓቲኔ ጎዑዋሴ።
22 ፂሞቲዎሴኮ ጉሙርቁንቲፆ ዛጊንቲ ዔርቲያ፤ ሃሣ ኮይጎ ዓሲ
ማዔሢ ታኣና ዋላ ዓደና ናይናጉዲ ፔቲ ማዒ ኮዡ ሃይሶ ኬኤዚፆና

2:11 2:11 ዒሲ. 45:23። 2:15 2:15 ላሚ. ዋማ 32:5።

ዋላ ኑ ማዲ ናንጌሢ ሲንሢ ሲንሢ ቶኦኪና ዔራኔ። 23 ታ ጌኤዛ ዋይታንዳቲያ ታ ዔራሢኮ ጊንፃ ዲሞቲዎሴ ዑኩና ሲንሢ ባንሢ ታ ዳካኒ ማላኔ። 24 ሃሣ ታኣኒያ ታኣሮ ሲንሢ ኮይላ ሙካንዳጉዲ ጎዳ ታና ማኣዳንዳኔ ጌዒ ታ ጉሙርቃኔ።

25 ዬያጉዲ ሃሣ ሲንሢ ታና ማኣዳንጎ ጌዒ ዳኬ፥ ጎዳ ሱንፆና ኑኡኮ ሲሻሢ ማዔ፥ ዔፓራዲቶሴያ ሲንሢ ባንሢ ዳካኒ ኮይሳያ ማዒ ታኣም ጴዳኔ፤ ሲዚያ ታኣና ዋላ ዬሱሰ ኪሪሰቶሴ ማዶና ፖኦሊሴጉዲ ማዒ፥ ደዲ ማዲ ናንጌያኬ። 26 ዒዛ ታ ሲንሢ ኮይላ ዳካሢ ሲንሢ ዒዛ ዛጋኒ ጳቂሣሢሮና ዒዚ ሃርጊንቲሢያ ሲንሢ ዋይዜሢሃሮ ዒ ማላያታሢሮኬ። 27 ጎኔና ዒ ኮሺ ሃርጊንቲ ሃይቃኒ ዑኩያኬ፤ ጋዓንቲ ፆኦሲ ዒዛ ሚጨንቲ ዓውሴኔ፤ ዒዛም ሌሊቱዋንቲ ታኣማኣ ሚጨንቲሢሮ ታኣኮ ቤርታኣ ማሊያይዳ ቃሲ ቃሲ ታ ማሉዋጉዲ ታናኣ ማኣዳኔ። 28 ዬያሮ ሲንሢ ዒዛ ዛጊ ዋዛዳንዳጉዲና ታኣኮዋ ማሊፃ ሽሌዓንዳጉዲ ዒዛ ታ ሲንሢ ባንሢ ዳካኒ ባሺና ኮዔኔ። 29 ዓካሪ ጎዳ ሱንፆና ዒዚ ሲንሢኮ ሲሻ ማዔሢ ዔራ፥ ዋዛና ዒዛ ሸኦቲንሢ ዔኩዋቲ፤ ሃሣ ዒዛጉዳ ዓሰዋ ቢያ ቦንቹዋቲ። 30 ዓይጎሮ ጌዔቲ ሲንሢ ታ ኮይላ ሙኪ ማኣዳኒ ዳንዳዒባኣ ማኣዳ ዒዚ ታና ማኣዳኒ ጌዒ ኪሪሰቶሴኮ ኮኩ ሃይሶ ኬኤዚያ ማዶሮ ፔ ሽምፓሢ ሚጨንቲዋዎ ሃይቃኒ ዑኩያ ዓቲሢሮኬ።

3

ጎኔ ዲሉሞ

1 ዓካሪ ታ ሲሻንሣ! ታ ሚሻንሣ! ጎዳና ዋዛዳዋቲ፤ ዬያ፥ ታኣኒ ቤርታ ፃኣፔ ባኮ ላሚ ፃኣፓኒ ታና ቢሡዋሴ፤ ሲንሢ ዬይ ዳቢንቲፓ ካፓኒ ዳንዳዓኔ። 2 ካናቶጉዲ ፑርቶ ማዶ ማዶ ዓሶይዳፓ ሲንሢና ካፑዋቲ፤ ዬያታ ዓቲንቲ ቤርቲ ቲቂሢ ኮይሳያኬ ጌይ ዔርዛዘንሢኬ። 3 ኑኡኒ ዓያናና ፆኦሲ ካኣሽካያ፥ ዙልካ ዓሲም ጴዳ ዋጌና ማዒባኣንቲ ዬሱሰ ኪሪሰቶሴና ሌሊ ሃርሺንታያ ማዔሢሮ ጎኑሞና ዓቲንቲ ቤርቲ ኑ ቲቂንቲያኬ። 4 ዓሲም ጴዳ ባኣዚና ሃርሺንታኒ ኮይሳያ ማዔቲ ሚርጌ ባኣዚና ታ ሃርሺንታኒ ዳንዳዓኔ፤ ዓሲ ቤርቲዳ ጴዳ ባኣዚና ሃርሺንታኒ ጋዓይ ዓኣቶ ታ ዒዛፓ ባሽ ሃርሺንታንቲ ሚርጌ ባኣዚ ታኣኮ ዓኣኔ። 5 ታኣኒ ሸይንቲሰካፓ ሳላሳ ኬሎና ዓቲንቶ ቤርቶ ቲቂንቲኔ፤ ሃሣ ቢኣኒያሚ ዜርሢ ማዔያ፥ ታኣኒ ዒሰራዔኤሌ ዓሲኬ፤ ዬያጉዲ ሃሣ ዔኒያ ዓሲ ታ ማዔሢኮ ፆኦጨሳ ባኣዚ ባኣያኬ፤ ጊንሣ ዓይሁዶ ዎጎ ካፒያ ዛሎ ማዔቲ

ታ ፔርሴ ዓሶይዳገኑ። 6 ያኦሲ ካኣዡ ሚጠንቶ ዛሎ ማዔቴ ዩሱስ ኪሪስቶስ ጉሙርቃዞንሢ ዒዲ ታ ደውሳሢኬ፤ ሃሣ ዋጌ ካፒሢና ደላሢ ዛላ ማዔቴ ዔኤቢ ቦሂሳ ባኣዚ ባኣያ ታ ናንጋያኬ።
 7 ጋዓንቴ ሃያኮ ቤርታ ታኣም ኮይሳያኬ ጌዒ ታ ጉሙርቃ ባኮ ቢያ ኪሪስቶስር ጌዒ ዔኤቢ ፓሡዋ ባኣዚ ማሂ ታ ዛጋኔ። 8 ታ ጎዳሢ ዩሱስ ኪሪስቶስ ዔሪዓፓ ባሼ፣ ሚሌ ዓይጎ ባኣዚያ ባኣሢ ታ ጉሙርቃሢር ቢያ ባኣዚ ዔኤቢ ፓሡዋያ ማሂ ታ ዛጌ ዒዛር ጌዒ ቢያ ባኣዚ ታ ሃሼኔ፤ ሃሣ ዒዛ ዴንቃኒ ጌዒ ቢያ ባኣዚ ፒያና ቡኡራጉዲ ማሂ ታ ዛጋኔ። 9 ዬያ ታ ማዳሢ ዋጌ ካፒሢና ጴዳ ታ ቶኣኮ ዒሉሞናቱዋንቴ ጉሙርቃሢና ጴዳ ዒሉሞ ኪሪስቶስ ዛሎና ዴንቃኒና ዒዛና ዋላ ማዓኒኬ። 10 ሃሣ ኪሪስቶስንታ ዒዛኮ ሃይባፓ ዔቂያ ዋልቆንታ ዔራኒ፣ ሃሣ ዒዛኮ ሃይቦናኣ ዒዛ ማላኒና ማታሢያ ዒዛና ዋላ ዔካኒኬ። 11 ዬያጉዲ ሃይቁሢኮ ጊንፃ ዔቁ፣ ናንጊና ሼምፔና ናንጋኒ ሃጊ ማዓንዳ ዋዛ ታ ጌሣኔ።

ጋፒንፆ ሄላኒ ጳሽኪሢ

12 ዬያ ቢያ ሃጊ ታ ዴንቁባኣሴ፤ ሃሣ ዬያ ቢያ ታ ኩንሣኔ ጋዓኒ ዴንዳዑዋሴ፤ ማዔቴያ ዩሱስ ኪሪስቶስ ታና ዒዛም ማሂ፣ ታኣም ዒንጋኒ ጊኣጊሼ ባኮ ዔካኒ ሴካ ቤርቱም ዶዲ ታ ጳኮይዳኬ። 13 ታ ዒሹንሠ! ታ ሚሹንሠ! ሃሢ ታ ዒኢካ ሄሌኔ ታና ታ ጎዑዋሴ፤ ጋዓንቴ ፔቴ ባኣዚ ታ ማዳኔ፤ ዬይያ፡- ታኣኮ ጊንፃ ዓኣ ባኮ ታ ሃሺ ሃሺ ቤርታ ዓኣሢ ዴንቃኒ ዶዲ ታ ማዳኔ። 14 ታኣም ዒንጊንታ ባኮ ዔካኒ፣ ታኣኮ ቤርታ ሄሎም ጌሦና ቤዞ ታ ጳሽካኔ፤ ዬይ ታኣም ዒንጊንታንዳሢ ያኦሲ ዩሱስ ኪሪስቶስ ዛሎና ሌካ ታና ዔኤሊ ዒንጋንዳ ሼምፖኬ።

15 ዓካሪ ዓያኖ ናንጎና ዶዶ ዓሳ፣ ኦኡኒ ቢያ ዬያጉዴ ማላሢና ናንጋንዳያ ኮይሳኔ፤ ዒንሢ ዴማሳ ማላሢ ባኣካ ማዡንቴቴ ዬያ ማሊያዋ ያኦሲ ዒንሢም ፔጋሳንዳኔ። 16 ዬይ ያዲ ማዔቴያ ኦኡኮ ዬይ ናንጋ ኦ ሃሢ ናንጋ ዓያኖ ናንጎና ዋላ ሄኮ ማዖንጎ።

17 ታ ዒሹንሠ! ታ ሚሹንሠ! ታ ማዳ ባኮ ዛጌ ማዳሢና ሃንጎ ዓሶና ዋላ ፔቴ ማዑዋቴ፤ ሃሣ ኦ ማዳ ባኮ ዛጌ ሃንታ ሳሶዋ ቢያ ዒናፓ ኮሺ ዛጉዋቴ። 18 ሃያኮ ቤርታ ሚርጌ ዋዴ ታ ኬኤዜሢጉዲ ሃሢያ ታ ዩኤኪ ዩኤኪ ዒንሢም ኬኤዛ ጎይፆ ሚርጌ ዓሳ ኪሪስቶስ ፑርቲሴ ዓሶ ሱፆ ሚፃ ሃይቁ ሃይቦኮ ሞርኬ ማዔኔ። 19 ዔያቶኮ ያኣዛሢ ጎጲኬ፤ ሃሣ ቦርሲሳያ ማዔ፣ ፑርቶ ባካ ዔያቶኮ ቦንቾኬ፤ ባሼ ዔያቶኮ ማሊያ ሳዓይዳ ዓኣ ባኣዚዳኬ፤ ዬያር ጋፒንፆ ዔያቶኮ

3:5 3:5 ዳኪ. ማዳ 23:6፤ 26:5፤ ሮሜ 11:1። 3:6 3:6 ዳኪ. ማዳ 8:3፤ 22:4፤ 26:9-11። 3:17 3:17 1ቆሮ. 4:16፤ 11:1።

ባይሲንታኬ ጌይሢኬ። 20 ኩኩኒ ጋባንቴ ጫሪንጮ ዓጪ ዓሲኬ፤
ዒኢካፓ ሙካንዳ ጳኤሻሢ፤ ኑ ጎዳሢ፤ ዩሱስ ኪሪሰቶሴ ጳቂሢ ኑ
ካፓኖኬ። 21 ዒዚ ሃያ ኩኩኮ ላቤያ ማዔ፤ ሃይቃ ዑያ ላኣሚ ዒዛኮ
ቦንቸንታ ዑያ ማላያ ማባንዳጉዲ ማሃንዳኔ፤ ዩያ ዒ ማዳንዳሢ
ቢያሢ ዒዛ ቢታንቶ ዳማ ማዒ ዋርቃንዳጉዲ ማሃ ዋልቆናኬ።

4

ጋፒንሢ ዞር

1 ታ ዒንሢ ርሽካያ፤ ጳቂሢ፤ ሃሃ ታና ዋዛሳያና ታ ማዳ ማዳኮ
ቦንቸ ዒንጎ ባኮ ማዔ ታ ዒጊኖንሢሃ፤ ባካሪ ዩያይዲ ጎዳና ደዲ
ዒንሢ ርንጋንዳጉዲ ታ ዒጊኖ ዒንሢ ማዔ ጎይቃና ታ ዒንሢ ዞራኔ።

2 ዔዎዲያና ሲንጻኬና ዔያታ ዋላ ቡኪ ጎዳና ዓኣ ፔቱሞና
ርንጋንዳጉዲ ታ ዔያቶ ሸኢቃኔ። 3 ኔኤኒያ፤ ዒኢካ ዓኣ ጉሙርቁንታ
ታኣኮ ማዳ ላጋሢ ዩንሢ ላኣሎንሢኮ ዑኬ ማዒ ዓያኖ ርንጎ
ዛሎና ዔያቶ ኔ ማኣዳንዳጉዲ ጌዒ ታ ኔኤም ኬኤዛኔ፤ ዓይጎር
ጌዔቱ ዩንሢ ላኣሎንሢ ቁሌማዖሴና፤ ሃሃ ሱንፃ ርንጎ ማፃኣፖይዳ
ፃኣፒንቱ፤ ማሌ ኩኩኮ ማዳ ላጎንሢንታ ዋላ ማዒ ኮዦ ሃይሶ
ኬኤዚያና ታኣና ዋላ ዔያታ ላቤያታሢሮኬ። 4 ጎዳና ዒንሢ ዓኣሢሮ
ቢያ ዋዳ ዋዛዲዋቱ፤ ላሚ ላሚ ታ ዒንሢ «ዋዛዲዋቱ» ጋባኔ።

5 ዒንሢኮ ኮሹማ ዓሲ ቢያም ዔርቱያ ማዖንጎ፤ ጎዳ ሙካኒ
ዑኬኔ። 6 ዩያር ዒንሢም ኮይሳ ባኣዚ ዓኣቶ ጋላቲ ጋላቲ ያኣሲ
ሸኢቃንዳኣፓባቱም ዓይጎ ባኣዚሮዋ ማሊ ማታዲፖቱ። 7 ዓሲ
ማላሢኮ ዑሣ ማዔ፤ ያኣሲኮ ኮሹማ ዒንሢኮ ዒኖና ማሊያና ዩሱስ
ኪሪሰቶሴ ዛሎና ካፓንዳኔ።

8 ታ ዒሹንሢ! ታ ሚሹንሢ! ባካሪ ጋፒንይይዳ ታ ዒንሢም
ኬኤዛሢ ጎኔ ማዔ ባኣዚ፤ ዒኖና ዓኣያ ማሃ ባኣዚ፤ ጌኤሺ ማዔ
ባኣዚ፤ ጻሎ ማዔ ባኣዚ፤ ርሹም ዓኣ ባኣዚ፤ ኮሺ ሃይሴ ማዓ ባኣዚ
ቢያ፤ ሃሃ ኮሺ ማዳ ማዔቱያ ጋላቲሢ፤ ዩንሢ ባኮንሢ ማሉዋቱ
ጌይኬ። 9 ታኣኒ ዔርዛኣና ዋይዚ ዒንሢ ዔኬ ባኮና ታ ማዳኣና ዛጌ
ባኮ ቢያ ማዲዋቱ፤ ዩያ ዒንሢ ማዳቱ ኮሹም ዒንጋ ያኣዛሢ ዒንሢና
ዋላ ማባንዳኔ።

ጳውሎሴ ዒዛም ዒንጊንቱ ባኮ ዛሎር ዓሶ ጋላቲሢ

10 ሚርጌ ዋዳኮ ጊንፃፓ ታ ማታሢ ዛሎ ዒንሢ ማላሢ ዓርቁሢሮ
ያኣሲ ሱንፃና ሚርጌና ታ ዋዛዳኔ፤ ዩያ ታ ጋባሢ ዒንሢ ማሌ
ባኮ ማዳኒ ዒንሢም ጊኢጉዋዖ ዓቱኔ ጌይሢ ማባንዳኣፓባቱም ታ
ማታሢ ዛሎ ማሊያ ዒንሢ ሃሹዖ ዓርቁኔ ጌይሢቱዋሴ። 11 ሃሃ ዩያ

ታ ጋዓሢ ታና ሜቲ ባአዚ ዓአኔ ጌይቱዋሴ፤ ዓይጎር ጌዔቲ «ታአኮ ዓአ ባካ ታአም ጊዳንዳኔ» ጌይሢ ታ ዔራሢሮኩ። 12 ዬያሮ ዔኤቢ ዴንቁሢ ማዔቲያ ዔኤቢኮ ባይቁሢ ታ ዔራኔ፤ ዓይጎ ቤሰካ ማዔቲያ ዓይጎ ዋዴና ማዖም ሚሽኪሢና ናይዲንቲሢና፡ ሃሣ ዴንቁሢና ዔኤቢ ባይዚሢናኮ ዓአ ባአዚ ታ ዔራኔ። 13 ዬያሮ ኪሪሰቶሴ ታአም ዒንጋ ዋልቆና ቢያ ባአዚ ታ ዳንዳዓንዳኔ።

14 ጋዓንቲ ዒንሢ ታ ሜታሢ ታአና ዋላ ዔካያ ማዒያና ኮሺ ማዶ ዒንሢ ማዶኔ። 15 ዬያ ሌሊቱዋንቲ ኮዡ ሃይሶ ማዶ ታ ዓርቁ ዋዶና ሜቁዶኒያ ዓጫፓ ታ ኬሰካአና ዒንሢ፡ ፕልሊስቶሴይዳ ዓአ ዓሶፓ ዓታዛ ሜሌ ታና ማአዴ ሺኢዲሢ ማአሪ ዓሲ ባአሢ ዒንሢ ዒንሢሮ ዔራያኩ፤ ዬያሮ ታአኮ ዔቦ ዴንቁያናአ ማዖም ባይዚያናይዳ ታና ማአዴሢ ዒንሢ ሌሊኩ። 16 ቲሰሎንቁይዳ ታ ዓአና ሜታዳሢ ዔሪ፡ ለሚ ለሚ ታና ዒንሢ ማአዴ። 17 ዬያ ታ ጋዓሢ ዒንሢ ሃያኮ ቤርታ ማዶ ባኮፓ ባሺ ሚርጌ ኮሺ ማዶ ዒንሢም ቃሰንታንዳጉዲኩ። 18 ታአም ኮይሳሢጉዲ ሌሊቱዋንቲ ዑሣ ዓአዴ ማዔ፡ ዒንሢ ታአም ዳኬ ባኮ ዔፓራዲቶሴይዳፓ ታ ዔኬኔ፤ ዬይ ዒንሢ ዳኬ ባካ፡ ኮሺ ሳውሞ ዓአ ያኦሲም ዒንጎ ባአዚጉዲ ማሃ ያኦሲ ዔካንዳያና ዋዛዳንዳ ዒንገሢኩ። 19 ዬያሮ ታ ያኦዛሢ ሃይማኬ ጌይንቱዋ፡ ዒዛኮ ዓአ ባኮይዳፓ ዬሱሰ ኪሪሰቶሴ ዛሎና ዒንሢም ኮይሳ ባኮ ቢያ ዲቢሺ ዒንጋንዳኔ። 20 ኑ ዓዳሢ፡ ያኦዛሢም ናንገና ናንገ ሄላንዳአና ቦንቾ ማዖንጎ፤ ዓአሜን።

ጋፒንሢ ሳራሥሢ

21 ዬሱሰ ኪሪሰቶሴ ጉሙርቁ ያኦሲም ዲማዴያ ማዔ፡ ዒዛ ዓሶም ቢያ «ኮሺዳ?» ጌዔኔ፡ ጎዑዋቲ፤ ታአና ዋላ ዓአ ዒሽንሢንታ ሚሽንሢንታ «ኮሺዳ?» ዒንሢ ጋዓኔ። 22 ዓቲ ኪሪሰቶሴ ጉሙርቁ ዓሳ ቢያ፤ ሃሣ ዲማና ሮሜ ካኦቲም ማዳ ኪሪሰቶሴ ጉሙርቁ ዓሳአ «ኮሺዳ?» ዒንሢ ጋዓኔ።

23 ጎዳ ዬሱሰ ኪሪሰቶሴኮ ኮሹሞ ዒንገፃ ዒንሢ ቢያሢም ማዖንጎ።

4:15 4:15 2ቆሮ. 11:9። 4:16 4:16 ዳኪ. ማዶ 17:1። 4:18 4:18 ኬሲ. ማፃ 29:18።

ጌሌዥ ማግኔግ
The Holy Bible in the Maale language of Ethiopia,
using Ethiopic script

copyright © 2008 The Word for the World International and The Bible Society of Ethiopia

Language: Maale (Male)

Translation by: The Word for the World

Contributor: Bible Society of Ethiopia

ጌሌዥ ማግኔግ

Maale Full Bible

The Word For The World International

Bible Society of Ethiopia

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2023-04-13

PDF generated using Haiola and XeLaTeX on 21 Feb 2024 from source files dated 14 Apr 2023

bbcfb90a-3ae3-5452-983d-6c4c02375929